



REPUBLIKA E SHQIPËRISË  
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 14 Shkurt 2022

Nr: 77

VENDIM

PËR

**CAKTIMIN E PARTIVE POLITIKE QË DO TË PROPOZOJNË ANËTARIN E TRETË  
DHE TË KATËRT TË GRUPEVE TË NUMËRIMIT TË VOTAVE, PËR ZGJEDHJET E  
PJESSHME PËR KRYETAR BASHKIE NË BASHKITË SHKODËR, DIBËR,  
DURRËS, VORË, RROGOZHINË DHE LUSHNJË, TË DATËS 6 MARS 2022**

Në mbështetje të Dekretit nr. 13438, datë 20.01.2022, të Presidentit, “Për caktimin e datës së zgjedhjeve të pjesshme vendore për kryetar bashkie, për disa njësi të qeverisjes vendore”, nenit 19, pikat 1, shkronja “n”, dhe 2, nenit 95, pika 2, dhe nenit 96, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, Komisioneri Shtetëror i Zgjedhjeve

V Ë R E N:

Komisioneri Shtetëror i Zgjedhjeve, në zbatim të nenit 96, pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, dhe udhëzimit nr. 5, datë 16.3.2021, të Komisionerit Shtetëror të Zgjedhjeve, “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”, organizon në seancë publike hedhjen e shortit ndërmjet partive politike, për caktimin e partive politike që propozojnë anëtarin e tretë dhe të katërt të Grupeve të Numërimit të Votave.

Për caktimin e partive politike që do të marrin pjesë në short dhe që në bazë të rezultatit të tij do të fitojnë të drejtën për të propozuar anëtarin e tretë dhe të katërt të Grupeve të Numërimit të Votave në ZAZ, Komisioneri bazohet në përcaktimet e Kodit Zgjedhor, konkretisht:

- Neni 95, pika 2, parashikon rrethin e subjekteve politike që mund të propozojnë anëtarin e tretë e të katërt të Grupeve të Numërimit të Votave bazuar në parimin shumicë parlamentare dhe opozitë parlamentare. Grupet e Numërimit të Votave përbëhen nga katër anëtarë, ku në çdo



Data: 14 Shkurt 2022

Nr. 77

“Për caktimin e partive politike që do të propozojnë anëtarin e tretë dhe të katërt të Grupeve të Numërimit të Votave, për zgjedhjet e pjesshme për kryetar bashkie në bashkitë Shkodër, Dibër, Durrës, Vorë, Rrogozhinë dhe Lushnjë, të datës 6 Mars 2022”

rast një anëtar emërohet pas propozimit të partisë politike, së cilës i përket kryetari i KZAZ-së, një anëtar pas propozimit të partisë që i përket nënkryetari, ndërsa anëtari i tretë propozohet nga partitë e shumicës qeverisëse dhe anëtari i katërt emërohet pas propozimit të partive të opozitës që kanë të drejtë të propozojnë anëtarë të GNV-ve për ZAZ-të respektive.

- Neni 96, pika 1, parashikon kushtet ligjore që duhet të përmbushin partitë të cilat mund të propozojnë anëtarin e 3 dhe 4 të GNV-së. Sipas këtij neni, këtë të drejtë e gëzojnë partitë parlamentare të cilat janë regjistruar si subjekte zgjedhore në zgjedhjet e pjesshme për kryetar bashkie të datës 6 Mars 2022 dhe që kanë fituar jo më pas së dy mandate në zgjedhjet pararendëse për Kuvendin e Shqipërisë, të datës 25 Prill 2021.

Me shkresën nr. 259/1 prot. datë 24.01.2022, Kuvendi i Shqipërisë ka përcjellë pranë KQZ-së informacionin se në Kuvend konfigurimi i partive politike parlamentare dhe numri i deputetëve për secilën parti është si më poshtë:

#### Shumica parlamentare

1. Partia Socialiste e Shqipërisë: 74 mandate në Kuvendin e Shqipërisë.

#### Pakica parlamentare

1. Partia Demokratike e Shqipërisë “Aleanca për Ndryshim”: 59 mandate në Kuvendin e Shqipërisë;
2. Lëvizja Socialiste për Integrim: 4 mandate në Kuvendin e Shqipërisë;
3. Partia Socialdemokrate: 3 mandate në Kuvendin e Shqipërisë.

Nga sa analizohet më lart:

- partitë politike që kanë të drejtën për të propozuar kryetarin dhe zëvendëskryetarin e KZAZ-ve, respektivisht Partia Socialiste dhe Partia Demokratike, nuk renditen në listën e partive që do të propozojnë anëtarin e tretë dhe të katërt të GNV-ve;
- parti politike që kanë fituar jo më pak se dy mandate në zgjedhjet për Kuvendin të vitit 2021, përveç partive që propozojnë kryetarin dhe zëvendëskryetarin e KZAZ-së, janë Lëvizja Socialiste për Integrim dhe Partia Socialdemokrate. Partia Socialdemokrate nuk është regjistruar si subjekt zgjedhor për zgjedhjet e pjesshme të datës 6 Mars 2022 dhe rrjedhimisht nuk legjitimohet të propozojë anëtarin e katërt të GNV-ve.

Neni 96, pika 1/1, përcakton se, “Nëse asnjë nga partitë politike që kanë të drejtë propozimi të anëtarit të tretë dhe të katërt nuk plotësojnë kushtin e përcaktuar nga ky nen, e drejta e propozimit i kalon, sipas rastit, partisë politike që propozon kryetarin ose zëvendëskryetarin e KZAZ-së brenda të njëjtit grupim politik.



Për këto arsye, referuar nenit 2, pikat 2 dhe 3, të udhëzimit nr. 5, datë 16.3.2021, të Komisionerit Shtetëror të Zgjedhjeve, “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”:

- Nga partitë politike të shumicës parlamentare, Partia Socialiste e Shqipërisë është e vetmja parti e cila plotëson kriterin e numrit të mandateve nga partitë e shumicës parlamentare, për të propozuar anëtarin e tretë të GNV-ve.
- Nga partitë politike të opozitës parlamentare, Partia Lëvizja Socialiste për Integrim përmbush kriterin e numrit të mandateve, dhe i lind e drejta për të propozuar anëtarin e katërt të GNV-ve.

Në kushtet kur listat e partive të shumicës parlamentare dhe opozitës parlamentare përmbajnë një subjekt nga secila listë, anëtari i tretë dhe i katër nuk përcaktohet nëpërmjet shortit.

### **PËR KËTO ARSYE:**

Bazuar në nenin 19, pikat 1, shkronja “n” dhe 2, nenin 95, pika 2, dhe nenin 96, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar,

### **V E N D O S I:**

1. Partia politike e shumicës parlamentare që ka të drejtë të propozojë anëtarin e tretë të Grupeve të Numërimit të Votave, për zgjedhjet e pjesshme për kryetar bashkie të datës 6 Mars 2022, është Partia Socialiste e Shqipërisë.
2. Partia politike e opozitës parlamentare që ka të drejtë të propozojë anëtarin e katërt të Grupeve të Numërimit të Votave, për zgjedhjet e pjesshme për kryetar bashkie të datës 6 Mars 2022, është Partia Lëvizja Socialiste për Integrim.
3. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim brenda 24 (njëzet e katër) orëve nga shpallja e tij, në Komisionin e Ankimeve dhe Sanksioneve.

**Komisioneri Shtetëror i Zgjedhjeve**

**Ilirjan CELIBASHI**

